

衢州文獻集成

〔子部〕

第
106
冊

衢州文獻集成

黃靈庚 諸葛慧艷

主編

〔子部〕

第
106
冊

國家圖書館出版社

(清)徐京撰

藝菊簡易一卷

清嘉慶四年(1799)刻本

藝菊簡易一卷 提要

清徐京撰。京字瑞階，衢州常山人。由武孝廉任揚州衛千總。瑞階能詩善書，刊有《藝菊簡易》。《四書句讀頓連》。《藝菊簡易》首爲作者自序，其下有「藝菊十三則」「菊名詩」一百八首。徐氏認爲植菊難易在於負與不負，不負其難則易植。瑞階定藝菊之法，「遞年增刪諸法，參以鄙意，所屢經試驗者」，分擇地、培土、種植、澆灌、壅培、去害、培葉、扦插、刪繁枝條、去牡、留蕾、論佳花、留種十三則，將藝菊良法傳諸後人。其菊名詩一百八首，「經植二百餘種，因稱名不同，方言互異，或遵或改，均爲定正」。其將菊花分黃、白、紅、褪紅、紫、間諸色，黃色二十八種，白色三十種，紅色十八種，褪紅色九種，紫色十種，間色十三種。每種菊名，注明其改名、古名、今名，並對花之特徵加以描述，其下爲菊名題詩。如，「《鵝毛菊》（古名。半管，長闊，辦厚大，無心）」，詩曰：「晉人著作獨陶文，書法超凡是右軍。雙壁合來希世品，花神著意養鵝群。」其下又注曰「孟城草」。徐京藝菊深得其術，對各種菊花亦深有研究，此書爲難得農學專門之作。此書據清嘉慶四年刻本影印。

第一〇六冊目錄

藝菊簡易一卷
(清)徐京撰

清嘉慶四年(1799)刻本

.....一

農林蠶說不分卷

(清)葉向榮撰

清宣統三年(1911)石印本

.....六三

合刻劉全備先生病機藥性賦二卷

(明)劉全備撰

明末建陽書林余應虬近聖居刻本

.....二四三

袖珍小兒方十卷(缺卷七至十)(卷一至二)

(明)徐用宣撰

明嘉靖刻本

.....五四三

藝

鞠

簡

易

登录号 219100

函 / 册

函一册 书号 9299


藝菊簡易

予嗜藝菊或曰凡花易植惟菊最難予曰不然只視
不負耳如負不值植矣不負何計難易為凡花爭艷春
城十日說目惟菊殿香秋圃數月愜心藉非不負其難
則易植者萬紫千紅胡為經秋寂寂也且五美克兼衆
卉具備尤非凡花所能儼也我思逸士獲我心焉我儀
圖之殆文人焉文人同得一題而花樣各出新奇無一
雷同者是蔡中郎作郭有道碑無溢美云或又曰昔人
咏荷云此種風流誰得似美人名士佛神仙夫文人固

名士矣而又有美人佛神仙焉更推之一切珍玩器物而竝肖之焉掛漏矣無溢美云何予曰文人之筆或頌贊或銘箴或表疏策論或誌跋序記以及詩賦詞曲炳炳耀耀無不畢達猶詩三百駉篇一言足蔽之也或曰唯唯雖然菊究難植也藝幾經年厄及數月使無法以培之如子言菊固不負人矣人能不負菊與予緣出藝法十三則竝菊名詩一百八截質之十三則係予遞年增刪諸法參以鄙意所屢經試驗者詩一百八截係予

經植二百餘種因稱名不同方言互異或遵或改均為
定正又因園地狹隘割愛大半擇其尤佳者所作俾同
心者對花問名即首肯焉或又曰子武人也無道林癖
寒士也無阿戎癖非隱者也而有菊癖予曰予向有咏
菊一聯云淡到於君纔是逸癖惟有我更成癡 昔
嘉慶四年歲次己未四月下浣定陽武人自序






藝菊十三則

一擇地凡菊地須西北隅最佳南隅則八九月間無日
暄曬蕾不綻花不大色不鮮東隅則返照之日最烈
腳葉必壞

一培土菊喜新土仍以舊土種植梗瘦枝稀葉瘁花小
惟冬臘月間去舊易新淡糞水澆一二次毋太肥恐
植後小苗癰頭菊地鋤成片段較高菜地任霜雪凍
透餘土堆積他處加灌濃糞以草蓋之畱於四八月



間聽用

一種植諸法云未栽菊先插竹恐後來傷根也甚好其竹務要五尺高為度竹梢更須平齊為妙若竹短梢尖嗣後種種培養人在菊地非一朝夕之功倘被刺面目害曷可言切緊切慎萬萬不可忽畧至七八月間枝條發旺時每本加竹二三分面插之須在根外毋俾傷根或以棕絲或棕葉暨新竹箬破絲寬縛之以防風雨損折清明前後先於菊地外另開一埂將

所植菊苗每種或植四五不拘須隔五寸為度每日澆水勿令見日活後選藝菊地依次排植須相離一尺四五寸以踈為妙萬不可密密不透風不但腳葉必壞且枝亦不旺凡種類易高者擇三四寸許肥矮苗植之難長者四五寸許肥大苗植之其六七八九寸者只好畱作并接用若難長者在清明前選植易高者姑俟穀雨後更佳初植日略澆水定根此半月內日遮夜露活後去之四五月間漸次摘去母頭俾

長子枝須看每葉間有枝芽十四五方摘其頭如無
少畱數日每本須畱十一二三枝方佳若七八九枝
似覺減等至四五六枝負嘉賓矣閏月之年十三枝
者斷不可少或謂枝多則花小予屢試不然請將一
本只畱一枝看花能開幾大

一澆灌天氣晴朗隔日澆之雨後隔數日不妨黃梅水
為上每月天落水亦佳須預積貯塘河水次之井泉
水斯下矣如用井泉水亦必經曬一二日為妙四五

月間係梅雨時候不宜澆水蓋菊喜晴燥風露過濕則壞根六七月間亢陽少雨亦不妨隔日透澆但宜蚤晨不宜傍晚惟隔六七日宜於傍晚先將菊地澆透再以噴壺每枝噴一二壺如時雨調順無容噴矣凡雨後腳葉沾泥洗去之

一壅培四月盡以冬臘月間備用肥土取出若干將園圃中新土對半拌之勻壅枝根只半寸許厚要畱八月初加壅地步節氣交白露前一二日即將備用肥

土儘壅根下須要二寸為度此法最妙一切肥水不必用矣澆肥水有許多不好處或疎密失度或濃淡欠調均能壞葉

一去害三月盡起至五月盡止地蠶食葉咬根根旁必有壞葉且有細穴即於根傍土內覓去之四月起五月止菊虎剪頭其形似螢無光有鉗須每日辰巳二時捉去之有一蟲紅頭黑身者人多誤認冤哉被剪之枝見日即萎視所剪處離寸許摘去無害若就其